

Mantell Gwynedd

Eich cyngor gwirfoddol sirol lleol

4. Gwirfoddolwyr

4.14 Buddsoddi mewn gwirfoddolwyr



Buddsoddi mewn Gwirfoddolwyr yw safon ansawdd y DU ar gyfer rheoli gwirfoddolwyr. Os oes gwirfoddolwyr yn rhan o'ch mudiad chi, bydd ennill y safon *Buddsoddi mewn Gwirfoddolwyr* yn ei alluogi i wneud y gorau o'r bobl hyn sy'n adnodd gwerthfawr.

Mae'r Safon yn cynnwys naw o ddangosyddion o safbwynt arferion da rheoli gwirfoddolwyr, fe'i cefnogir gan 46 o arferion, ac mae'n seiliedig ar bedwar maes rheoli gwirfoddolwyr allweddol:

- Cynllunio ar gyfer cynnwys gwirfoddolwyr
- Recriwtio gwirfoddolwyr
- Dethol a pharu gwirfoddolwyr
- Cefnogi a chynnal gwirfoddolwyr

Mae *Buddsoddi mewn Gwirfoddolwyr* yn cael ei reoli gan y pedair asiantaeth ddatblygu sy'n rhan o Fforwm Gwirfoddoli y DU: *NCVO*, *Volunteer Scotland*, *Volunteer Now* (Ngogledd Iwerddon) a Chyngor Gweithredu Gwirfoddol Cymru.

Buddsoddi mewn Gwirfoddolwyr yng Nghymru

Cyngor Gweithredu Gwirfoddol Cymru (WCVA) sy'n rheoli'r safon *Buddsoddi mewn Gwirfoddolwyr* yng Nghymru. Mae'r safonau, yr asesu a'r achredu yr un fath i bob mudiad, ble bynnag y maent yn y DU. Ceir ychydig wahaniaeth yn y modd y caiff y safon ei rheoli ym mhob gwlad.

I gael mynediad at y safon *Buddsoddi mewn Gwirfoddolwyr* drwy WCVA mae angen i'ch mudiad fod wedi'i leoli yng Nghymru a bod â'i gyfeiriad cofrestredig a'i brif swyddfa wedi'u lleoli yma.

Ceir tri opsiwn ar gyfer mudiadau sydd â diddordeb yn y safon *Buddsoddi mewn Gwirfoddolwyr* yng Nghymru.

Opsiwn 1: Llwytho'r Safon i Lawr a'i defnyddio

I fudiadau sydd eisiau defnyddio *Buddsoddi mewn Gwirfoddolwyr* fel fframwaith a model ar gyfer gwella a datblygu'u harferion.

Gellir llwytho'r safon i lawr am ddim o'r dudalen groeso'r wefan

www.investinginvolunteers.org.uk

Unrhyw adeg, cewch ddewis bwrw ymlaen i gofrestru'n ffurfiol er mwyn mynd ati i weithio tuag at asesiad *Buddsoddi mewn Gwirfoddolwyr* (opsiwn 2), neu gynnal Archwiliad Iechyd (opsiwn 3).

Opsiwn 2: Ennill y Dyfarniad Buddsoddi mewn Gwirfoddolwyr

I fudiadau sydd eisiau cael statws achrededig ac ennill y dyfarniad *Buddsoddi mewn Gwirfoddolwyr*.

Mae gofyn i chi gofrestru ar-lein, er mwyn cael mynediad at holl rannau perthnasol y wefan. Yna dilynwch y camau a amlinellir isod.

Cam Un: Dechrau Arni.

Ar ôl cofrestru ar-lein, bydd y tîm *Buddsoddi mewn Gwirfoddolwyr* yn cysylltu â chi i drafod y broses gyfan a chytuno gyda chi ar y ffordd orau ymlaen i'ch mudiad.

Penodir cynghorydd/asesydd i weithio gyda chi.

Bydd gennych fynediad at yr arweiniad a'r adnoddau ar y wefan, i'ch helpu chi.

Cam Dau: Archwiliad Iechyd

Mae **asesydd** yn cynnal yr asesiad cychwynnol ar beth sydd mewn lle ar hyn o bryd, a pha ddatblygu sydd ei angen ac yn amlinellu hyn yn glir mewn adroddiad i chi.

Fe fydd eich **cynghorydd** wedyn yn eich cynorthwyo wrth ddatblygu hyn,

Cam Tri: Datblygu

Cymerwch yr amser y mae arnoch ei angen i adolygu a gwella eich arferion da, gan lunio eich cynllun gweithredu datblygu'ch hun yn ôl yr angen.

Mae'ch cynghorydd yno i'ch cefnogi a'ch cynghori.

Cam Pedwar: Asesu

Pan fyddwch chi a'ch cynghorydd yn teimlo eich bod yn barod, caiff asesydd ei benodi. Bydd yn cael eich adroddiad Archwiliad Iechyd, eich cynllun datblygu ynghyd â thri darn o dystiolaeth a ddetholwyd. Bydd yn cysylltu â chi i wneud trefniadau ar gyfer yr ymweliad asesu.

Bydd hyn yn cynnwys cyfweiliadau gyda sampl o wirfoddolwyr, staff ac ymddiriedolwyr. Ar ôl eich asesiad, cewch adroddiad llafar oddi wrth yr asesydd yn dweud wrthy'ch a ydych wedi cyrraedd y safon *Buddsoddi mewn Gwirfoddolwyr* ai peidio. Cyflwynir adroddiad ysgrifenedig maes o law.

Cam Pump: Sicrwydd Ansawdd

Caiff adroddiad yr asesydd ei archwilio a'i ddilysu i ddechrau gan Asesydd Arweiniol – asesydd profiadol yng Nghymru.

Yna caiff yr argymhelliad ei gyflwyno i Banel Sicrwydd Ansawdd y DU, sy'n cyfarfod bedair gwaith y flwyddyn.

Mae'r Panel Sicrwydd Ansawdd yn cymeradwyo penderfyniad yr asesydd ac yn anfon yr argymhelliad at Fforwm Gwirfoddoli'r DU i'w gymeradwyo. Mae'r dyfarniad yn ddilys o ddyddiad y panel Sicrwydd Ansawdd ymlaen am gyfnod tair blynedd.

Cam Chwech: Cynnal y Dyfarniad

Byddwch yn cael y dyfarniad *Buddsoddi mewn Gwirfoddolwyr* ac yn gallu defnyddio'r logo *Buddsoddi mewn Gwirfoddolwyr* ar eich papurau pennawd a'ch cyhoeddiadau.

Cewch eich hysbysu mewn tair blynedd pan fydd yn barod i'w adnewyddu.

Opsiwn 3: Archwiliad lechyd Buddsoddi mewn Gwirfoddolwyr

Mae'n bosib bod y broses *Buddsoddi mewn Gwirfoddolwyr* yn ormod i'ch mudiad o ran cost a/neu ymrwymiad amser y staff.

Gallech ddewis cael Archwiliad lechyd *Buddsoddi mewn Gwirfoddolwyr*, ac yna ei ddefnyddio yn eich ffordd eich hun ac wrth eich pwysau, heb ymrwymo i weithio gyda chynghorydd tuag at gyrraedd y Safon.

Byddwch yn cael cyfle i adolygu beth hoffech ei wneud nesaf, unwaith mae'r Archwiliad lechyd wedi'i gwblhau.

Faint y mae'n ei gostio?

Mae cost ennill y safon *Buddsoddi mewn Gwirfoddolwyr* yn dibynnu ar faint a natur y mudiad.

Dyma'r costau presennol (Ebrill 1af ymlaen):

Costau cofrestru/Archwiliad lechyd:

- mudiadau gwirfoddol £500
- mudiad statudol £600 - £900

Costau asesu:

- mudiadau gwirfoddol £1000 - £2000
- mudiad statudol £1600 - £2700

Sut wyf fi'n dechrau arni?

1. Llwythwch y safon i lawr i weld a yw hwn yn feincnod priodol i'ch mudiad.
2. Trafodwch *Buddsoddi mewn Gwirfoddolwyr* yn eich mudiad, gyda'r ymddiriedolwyr/aelodau'r pwyllgor a gyda'r staff a'r gwirfoddolwyr. Dylech ystyried a ydych am geisio cyrraedd y Safon, neu gael yr Archwiliad lechyd yn unig. Sicrhewch y ceir cefnogaeth lwyr i'ch penderfyniad.
3. Cofrestrwch ar-lein a siarad gydag aelod o'r tîm *Buddsoddi mewn Gwirfoddolwyr*.
4. Bydd anfoneb am y ffi gofrestru yn cael ei hanfon atoch, ac ar ôl cael taliad, bydd Cynghorydd /Asesydd *Buddsoddi mewn Gwirfoddolwyr* yn cysylltu â chi.

Pa gefnogaeth sydd ar gael?

Adnoddau rhad ac am ddim:

- Mae'n bosib y cewch hyd i'r atebion rydych yn chwilio amdanynt yn yr adran Cwestiynau Cyffredin ar y wefan.
- Gallwch hefyd chwilio drwy'r adran [Gweithio gyda Gwirfoddolwyr](#) ar wefan WCVA, sy'n cynnwys polisiau enghreifftiol, dalenni gwybodaeth, cyngor a chyhoeddiadau.
- [The Complete Volunteer Manager](#) – arweiniad ar y we i bopeth y mae arnoch angen ei wybod am reoli gwirfoddolwyr
- [Recriwtio Gwirfoddolwyr](#) – llawlyfr arferion da – cyhoeddiad gan WCVA
- Gall eich [Canolfan Gwirfoddoli](#) leol gynnig cyngor penodol er enghraifft ar ddatblygu polisiau a gweithdrefnau priodol.

Os ydych yn cofrestru ar gyfer Buddsoddi mewn Gwirfoddolwyr:

- Ar ôl cofrestru, gallwch ddefnyddio llyfrgell Arferion Da *Buddsoddi mewn Gwirfoddolwyr* ar-lein. Mae hon yn cynnwys gwybodaeth a chynghor defnyddiol ac amrywiol.
- Os dymunwch, gallwn eich rhoi mewn cysylltiad â mudiad tebyg sydd wedi cyflawni Buddsoddi mewn Gwirfoddolwyr, i gael cymorth anffurfiol.

Hyfforddiant

Mae'n bosib y bydd eich cyngor gwirfoddol sirol yn cynnig cyrsiau mewn rheoli gwirfoddolwyr.

Ewch ar y wefan www.coursesforcommunitiescymru.org.uk i ganfod beth sydd ar gael yn eich ardal chi.

Buddsoddi mewn Gwirfoddolwyr a Chwestiynau am Nawdd

Gyda llawer o gynlluniau grant, gan gynnwys Grantiau Gwirfoddoli Cymru, y Gronfa Loteri Fawr, byddai cost ennill y safon *Buddsoddi mewn Gwirfoddolwyr* (neu gyfran ohoni) yn cael ei hystyried yn rhan berthnasol o gais yn ymwneud â gwella'r profiad neu'r cyfleoedd i wirfoddolwyr.

Byddai cynnal Archwiliad Iechyd yn cael ei ystyried yn dystiolaeth o roi sylw i arferion da, ac o geisio safbwynt allanol, er na ellir gwneud dim honiadau am ennill y Safon Buddsoddi mewn Gwirfoddolwyr.

Bydd y tîm *Buddsoddi mewn Gwirfoddolwyr* yn falch iawn o glywed am unrhyw brofiadau o safbwynt noddi; er enghraifft, os ydych wedi cael nawdd i ennill y dyfarniad, neu os cafodd y dyfarniad ei gydnabod mewn rhyw fodd gan gyrff ariannu.

Byddwn yn parhau i lobio cyllidwyr yng Nghymru am gydnabyddiaeth well i'r Dyfarniad Buddsoddi mewn Gwirfoddolwyr.

I gael rhagor o wybodaeth

Gwefan Buddsoddi mewn Gwirfoddolwyr

www.investinginvolunteers.org.uk

iiv@wcva.org.uk

Trydar #liVUK

Ffôn 029 2043 1750

Ymwadiad

Mae'r wybodaeth a ddarperir yn y daflen hon ar gyfer cyfarwyddyd yn unig. Nid yw'n amnewid am gyngor proffesiynol ac ni allwn dderbyn unrhyw gyfrifoldeb am golled o ganlyniad i unrhyw berson weithredu neu wrthod gweithredu arno.

Am rhagor o wybodaeth cysylltwch â

Mantell Gwynedd

23-25 Y Bont Bridd, Caernarfon, Gwynedd, LL55 1AB

Elusen Gofrestredig: 1068851

Ffôn: 01286 672626

ymholiadau@mantellgwynedd.com

Ffacs: 01286 678430

www.mantellgwynedd.com

Cynhyrchwyd gan WCVA, Cynghorau Gwirfoddol Sirol a Chanolfannau Gwirfoddoli

Wedi ei ddiweddarau: 14/09/2016



Ffôn: 0300 111 0124

www.wcva.org.uk